



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 5. juli 2011
J.nr.: 01.31.06/11-00543

Aningaasaqarnermut Naalakkersuisoq

Isertuussassaq

Ataasinngornermi ulloq 4. juli 2011 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissutit – Suliaq nr. 01.31.06/11-00543

Nummi inissianik 14-inik, ilinniartunut inissiatut siunertaqarfiusunik pisinissaq

Naalakkersuisut inassutigaaat,

- kontumi pingaarnermi 80.00.00-imi, Sanaartornermut atugassanut agguanneqanngitsunut tunngasumi, aningaasaliissutit 6,0 mio. kr.-inik ikilineqassasut, aamma
- kontumi pingaarnermi 83.30.12-imi, Utoqqaat angerlarsimaffii, suliassamut nr. 060.44.032-imut, Nuummi utoqqaat angerlarsimaffiannut Ippiarsummut tunngasumut, aningaasaliissutit 9,5 mio. kr.-inik ikilineqassasut, aamma
- kontumi pingaarnermi 83.30.13-imi, Nuna tamakkerlugu paaqqinniffiit, suliassamut nr. 020.40.043-mut, Qaqortumi naalungiarsunnut angerlarsimaffiup pilersinneqarnera, aningaasaliissutit 9,1 mio. kr.-inik ikilineqassasut, aamma
- kontumi pingaarnermi 89.72.11-mi, Nammineq inissianik tapiissutitalimmik sanaartorneq, suliassamut nr. 996.37.056-imut Nammineq inissianik tapiissutitalimmik sanaartorneq, 2008, aningaasaliissutit 3,0 mio. kr.-inik ikilineqassasut, aamma
- kontumi pingaarnermi 87.00.88-mi, Nunaqarfinni isorliunerusunilu sanaartortitsinissamut pilersaarut, suliassamut nr. 996.29.105-imut, Nunaqarfinni isorliunerusunilu sanaartortitsinissamut pilersaarut, 2009, aningaasaliissutit 2,9 mio. kr.-inik ikilineqassasut, aamma
- kontumi pingaarnermi 84.40.15-imi, Ilinniartut inaannik sanaartorneq, suliassamut nutaamut nr. 060.52.069-imut, Nuummi inissianik 14-inik kollegiassatut pisineq, aningaasaliissutit 2011-mi 30,5 mio. kr.-inik amerlineqassasut, aamma
- nuussinerit pinissaannut niuernerup piviusunngortinneqarnera aalajangiisuussasoq aamma-lu niuernerup piviusunngortinneqanngippat nuussinerit ingerlanneqassanngitsut

Aningaasaqarnermut Ataatsimiititaliap oqaaseqaatai

Naalakkersuisut suliassami matumani Kujallerpaani inissianik 14-inik pinissamik neqeroorteqarnissaq siunertaralugu aningaasaliissutinik nikisitsisoqarnissaanik qinnuteqarput. Inissiat ilinniartut ineqarfiisut atornerqarnissaat eqqarsaatigineqarpoq.

Ataatsimiititaliap aallaqqaasiutigalugu oqaatigissavaa aasaanerani sulinngiffeqarneq sioqqullugu ataatsimiititaliap ataatsimiinnerani kingullermi aningaasaliissuteqarnissamik suliassamik oqaluuserineqartussamik tunniussivissaq qaangiutereersoq suliassaq Ataatsimiititaliamut suliassanngortinneqarsimammat. Piffissaliussap saneqqunneqarnissaanik Naalakkersuisut qinnuteqarsimannngillat, soorlu aamma tunngavilersuisimanatik sooq Ataatsimiititaliaq qinnuigineqarnerasoq suliassamik tuaviortumik suliarinnequllugu. Tamanna naammaginannngitsutut isigineqartariaqarpoq.

Suliassami Ataatsimiititaliap aalajangiitinnagu Ataatsimiititaliap ukuninnga apeqquteqarnissa-

ni kissaatigaa:

1. Maniitsumi efterskole (Suliaq 11-537) pillugu aalajangiinermi Ataatsimiititaliamit oqaatigineqartut, taava Ataatsimiititaliap kissaatigaa kontumi pingaarnermi 87.00.88-imi aningaasaliissutit sinneri 2011-mi nunaqarfinni isorliunerusunilu siu-nertanut annerusumik atorneqassasut. Matumani aningaasaliiffiginiarneqartup allatut aningaasalersorneqarsinnaanerani Naalakkersuisut periarfissanik sunik allanik inner-suussisinnaappat?
2. Kontumi pingaarnermi 83.30.12-imi Utoqqarnik paaqqinniffiit aningaasaliissutinik ikilisitsiniarneq ataatsimiititaliap eqqarsarnartoqartippaa. Taamaattumik Ippiarsuup al-lineqarnerani akileeqataassutissami aningaasalersorneqarnissaanut Kommuneqarfik Sermersuup periarfissai pillugit sukumiinerusunik paasissutissinneqarnissi ataatsimiititaliap kissaatigaa.
3. Kontumi pingaarnermi 83.30.13-imi Nuna tamakkerlugu paaqqinniffiit aningaasaliissutit ikilisinneqarnissaat ataatsimiititaliap annertuumik eqqarsarnartoqartippaa. Ataatsimiititaliap isumaqarpoq tamanna pillugu qinnuteqaammi paasissutissiissutit tamakki-isuunngitsut. Naalungiarsunnut angerlarsimaffiup sumi inissinneqarnissaa pillugu matumani aaqqiagiinnngissutaasunut tunuliaqutaasut pillugu sukumiinerusunik paasissutissinneqarnissi ataatsimiititaliap kissaatigaa. Ilaatigut KANUKOKA-p suliamik nalilineri aamma paaqqinnittarfimmu sulisussanik pissarsisinnaanermut periarfissat sanaartorerullu piffissalersorneqarneranut pilersaarut pillugu paasissutissat kissaatigineqarput.
4. Imaaliallaanaq takullugu sanaartorneq akisungaatsiartoq pineqartoq ataatsimiititaliap isumaqarpoq. Tamanna tunngavissaqalersitsivoq Inatsisartut Ombudsmandiata nalunaarutaani (1999:40-2) oqaatigineqartunik Naalakkersuisut eqqaasinneqarnissaanut: Tamatumani Ombudsmandip oqaatigaa, pisortat pisussaannngitsut suleriaaseq aalajangersimasoq atussallugu, pisortat pigisamik aalaakkaasumik pissarsinissamik kissaateqaraangata, taamaattoqartillugumi pisortat tamatumunnga atatillugu aningaasaliissuteqartartut namminersortutulli inissisimasarmata.

Peqatigitilluguli Ombudsmandip erseqqissarpaa pisortat pisussaaffigigaat sanaartukkat pineqartut *sapinngisamik akikinnerpaamik* pissarsiarissallugit. Pisussaaffiup tamatuma malinneqarnera uppersarsarneqarsinnaasussaavoq. Ilinniartut ineqarfiat pillugu suliasamat atatillugu Ombudsmandip oqaaseqaatai tunngavigalugit taamaalilluni pisortani oqartussat uppersarsininniartussaavaat suliassap tamanut suliariumannittussarsiorneqarneratigut suliassaq akikinnerusunik pissarsiarineqarsinnaasimassanngitsoq.

Tamanna tunngavigalugu ataatsimiititaliap Naalakkersuisunut uppersarsaqqaat Namminersorlutik Oqartussat imaluunniit Kommuneqarfik Sermersooq ukioq manna naliginnaasumik suliariumannittussarsiortarnerni sanaartukkanut taamaattunut kvadratmeterimut akimik annikinnerusunik pissarsisimannngitsut.
5. Ilinniartunut inissiat pineqartut tunngavissat aalajangersimasut suut tunngavigalugit ilinniartunut agguataarneqarniarpat?
6. Inissiat suliama matumani pineqartut Nuummi ilinniartut ineqarfissaannik pisariaqartitsinermut qanoq naapertuutsigippat?
7. Paasissutissanik allanik suliama attuumassuteqarsinnaasunik Naalakkersuisut saqqummiussaqaarsinnaappat?

Aningaasaqarnermut Ataatsimiititaliap aalajangernera

Siuliani allassimatutut paasinnilluni Aningaasaqarnermut Ataatsimiititaliap Naalakkersuisut inassuteqaataannut isummernissani **kinguartippaa** siuliini apequtigineqartunut akissutisinissami utaqqineqarnissaa siunertaralugu. Naalakkersuisut akissutaat kalaallisut danskisullu nassiuteqquneqarput assilinera qarasaasiakkut ukununnga nassiullugit nch@ina.gl aamma kfr@ina.gl.

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap Siulittaasua